

Mvù Jân dé tagâr

Bèh bieé

¹ Né mè nùà koô gwà Càṅ nyagá né wò koó. Yíé-temé mò Gayûs, mè né wò bieé. Mè né wò mé gècên mene gwaán.

² Mbeí mò, mè né lom gwaán ye njèh doón a, yùò húóm gí beè yeè lòù, wò té bán ndò. Dé ceér Càṅ beleè, mè né gi bagasé koó nyegé ye càṅ wò lè téné ndé ṅwéh.

³ Mè né lom mé vógó-temé felè yeè dé gècên. Lòù sam, bò Yeésò bò lé naâ waâ, bó keí huóm wò toò mò, bó ye mè a, gècên yeè né yieé, wa wò né ceér gècên bele huóm ma.

⁴ Mè túé kó cú mbeí mò, kènê bèh nóré-temé mò doón baá lom bèh mé bò huaán mò né gi ceér gècên teèn bele huóm hên.

Gàyûs nùà gècên

⁵ Mbeí mò, kóo ye mé nyí né bò Yeésò bò mé gècên mene gam sâ, nyí boó yíí né teèn ma. Wò né mé bò dé kìn mene gam bilí ndò.

⁶ Bó né yeé ká te bòn beèh waâ, bó né yilí yeè teèn keí huóm, ye wò né lom bó gwaán dé gècên. Kúkùr yeè, gàm dèn ká bó mé temé Càṅ lè ménâ, te bó gò nde den mé gò bòn tetoò.

⁷ Bó lé yuoó baá gò kèn, ye bó nde aá bèh seé dé *Kristò, bó gwàn bèh njeré déi beè bò Càṅ-kó bò kemaà ndò.

⁸ Sâ kɔ béh gàm gèh bò sâ bò kɔ́, te béh bó dɔ́ɔ́n yíi gi be te seé gècénè.

Dìòteréfè bô Dèmeteriyû

⁹ Mè lé naâ huaán mvù déi mân te bòn bì nyagá njií. Njèh cén, Dìòteréfè mé gwaán né felè bɔ́ɔ́n deèn, né yeé ngòr mò doó si njií.

¹⁰ Bú a, kwá-re seèn nɔ́ɔ́n ndɔ, mè baá ndeê. Mɔ mè waà baá, bò veên mé à lé bɔ́ɔ́ gi naâ dɔ́ɔ́n, mè nde gi né cie salé sɔm; bò ngòr jejelâ, mé bò nyeén seèn yoòr beèh dɔ́ɔ́n, mè nde gi né lòu sâ salé sɔm. Dé sâ gí cégé ngwéh; bò Yeésò bò mé waà né kìn ké sâ dɔ́ɔ́n, à bó gwàn bèh. Bò lɔ́ɔ́ bò ye te bó sie nyegé mene bó, à né bó yíin ndɔ. Né mene te bòn bò Càn bò, à né bó teèn kwɔ́gɔ́ sɔm bele ndɔ.

¹¹ Mbeí mò, té dé yeé gule bò vevenê bò bèlè, bèlè sér gule nùà bagaà. Nuaá mé né bagaà bɔ́ɔ́, né njùnà Càn kɔ́; nuaá mé né yeé dé seèn veên kema dɔ́ɔ́n née mé Càn njolò sam ye.

¹² Dé Dèmeteriyû, nùàr dɔ́ɔ́n né seé seèn keí laré. Gècên né sòn seèn ménâ tueé; béh tueé taré né sòn seèn ménâ ndɔ. Wò né gi kɔ́ ye béh tueé yeé gècên; béh tueé né gècên sâ.

Bèh ceré

¹³ Mè né lom mé ngòr lè ngún mbaá; mé njéh mene mè wò lòu nyàgà ndé ngwéh.

¹⁴ Mè gwaán kela né ké yoòr yeé mé feh mò ndeê. Nde né toò hên, te bélò tueé kɔ mé sòn; huɔm kela né cí.

¹⁵ Kùsèm, dèn mé dɔ́lê. Bò mbeí yeé ye bíé kéh wò. Bíé kéh bò mbeí beèh ké sâ cécéné cécéné dɔ́ɔ́n ndɔ.

Mvù Ngòŋ Feê
Mambilla NT (Cameroon-Le Nouveau Testament en
mambila)

copyright © 2001 Wycliffe Bible Translators, Inc.

Language: Cameroon Mambila

Contributor: Wycliffe Bible Translators, Inc.

All rights reserved.

2025-05-13

PDF generated using Haiola and XeLaTeX on 13 May 2025 from source
files dated 13 May 2025

f0e8e7ba-c2cf-57f7-9a60-8ff0e792e158